

## Ugovorne strane:

Ministarstvo unutrašnjih poslova Kantona Sarajevo, ulica La Benevolencije broj 16, koje zastupa ministar Admir Katica, (u daljem tekstu: Kupac) i

“AUTOKOMERC V.S.” d.o.o Banja Luka, ulica Bulevar srpske vojske 13, ID broj 4400952840005, koje zastupa direktor, Aleksandar Ristić (u daljem tekstu: Prodavac)

zaključile su:

## UGOVOR za javnu nabavku motornih vozila LOT 1

### PREDMET UGOVORA

#### Član 1.

Predmet ugovora je nabavka dva motorna vozila (LOT 1) za potrebe Ministarstva unutrašnjih poslova Kantona Sarajevo, provedena putem otvorenog postupka na osnovu Odluke broj 01-11-4-5531 od 30.10.2023. godine i Obavještenja o nabavci broj 1364-1-1-58-3-70/23 od 03.11.2023. godine.

Ponuda Prodavca broj 174/23 od 15.11.2023. godine čini sastavni dio ovog Ugovora. Ugovor se zaključuje u skladu sa uslovima iz Tenderske dokumentacije i ponudom Prodavca.

### CIJENA

#### Član 2.

Cijena za robu iz člana 1. ovog Ugovora, iznosi 112.478,63 KM bez PDV-a (stotinudvanaesthiljadačetiristotinesedmadesetosam i 63/100 KM)

Ugovorena cijena uključuje i sve zavisne troškove.

### NAČIN PLAĆANJA

#### Član 3.

Kupac će plaćanje izvršiti na sljedeći način:

- Avansno 84.358,97 KM, odnosno 75% od ukupne vrijednosti ponude, u roku trideset (30) dana od dana zaključivanja ugovora i prijema ispravne avansne fakture, uz dostavljanja bezuslovne bankarske garancije za obezbjeđenje avansa,

- Ostatak od 28.119,66 KM, odnosno 25 % od ukupne vrijednosti ugovorene cijene u roku trideset (30) dana od dana dostavljanja zapisnika o kvalitativnom i kvantitativnom pregledu predmetne robe i ispostavljanja fakture.

Prodavac se obavezuje na nepromjenjivost ponuđenih cijena tokom cijelog ugovorenog perioda i da će pod istim uslovima u periodu trajanja ovog ugovora izvršiti isporuku robe iz člana 1. ovog Ugovora, za potrebe Ministarstva unutrašnjih poslova Kantona Sarajevo.

### ROK ISPORUKE I PRIMOPREDAJA

#### Član 4.

Prodavac se obavezuje da će isporuku izvršiti u roku od 70 dana od zaključivanja ugovora, a najkasnije do 01.07.2024. godine.

Sve troškove isporuke do primopredaje, kao i troškove reklamacije snosi Prodavac. Roba će se isporučiti prema tehničkim specifikacijama traženim u tenderskoj dokumnataciji, na adresu Kupca.

U slučaju osnovanih primjedbi na ispunjenje ugovorenih obaveza, Prodavac je dužan da o svom trošku te nedostatke otkloni u što kraćem roku.

U slučaju kašnjenja u isporuci roba do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1%o naručene robe za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe.

Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje, od ugovornog organa.

#### Član 5.

Prilikom isporuke robe koja je predmet ovog Ugovora, ovlaštena osoba Prodavca je obavezna ovlaštenoj osobi ispred Kupca dostaviti otpremnicu za isporučene robe (po vrsti i količini) u dva primjerka, koja je uredno ovjerena i potpisana od strane ovlaštene osobe Prodavca.

Po prijemu robe otpremnicu potpisuje i ovlaštena osoba Kupca, zadužena za prijem robe.

O isporučenoj robi bit će sačinjen zapisnik o kvantitativnom i kvalitativnom prijemu (čiji će sastavni dio biti otpremnica).

Zapisnik se sačinjava u dva istovjetna primjerka, od kojih jedan zadržava Kupac, a jedan Prodavac.

Ukoliko lice/a zadužena za prijem robe konstatuju određene nedostatke u kvalitetu ili kvantitetu isporučene robe, neće se sačinjavati zapisnik o prijemu, već će se sačiniti zapisnik o reklamaciji, koji Kupac dostavlja Prodavcu.

Sve primjebe na izvršenu isporuku će biti konstatovane u zapisniku.

#### Član 6.

Prodavac se obavezuje priznati reklamaciju na kvantitet i kvalitet isporučene robe, koja će biti prapraćena zapisnikom o reklamaciji, uz obavezno navođenje nedostataka isporučene robe i datuma i broja računa (otpremnice) Prodavca kako bi se zadovoljili uslovi reklamacijskog roka.

U slučaju osnovanih primjedbi na ispunjenje ugovorenih obaveza Prodavca, konstatovanih u zapisniku o reklamaciji, prodavac je dužan da o svom trošku učini sve da te nedostatke otkloni u što kraćem roku, koji će mu u zapisniku odrediti Kupac.

Roba će se smatrati uredno isporučenom tek kada u zapisniku o prijemu bude konstatovano da je primopredaja izvršena bez primjedbi.

### GARANCIJA

#### Član 7.

Prodavac se obavezuje da će u roku od deset dana od dana obostrano potpisanog ugovoru dostaviti garanciju za uredno izvršenje ugovora u obliku безусловne bankarske garancije u iznosu od 10% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza +/- 30 dana.

### GARANTNI ROK

#### Član 8.

Za isporučena motorna vozila (LOT 1) Prodavac daje garanciju:

- isporučeno motorno vozilo (A) od 5 godina ili 150.000 pređenih kilometara
- isporučeno motorno vozilo (B) od 5 godina ili 150.000 pređenih kilometara

### ODGOVORNOST I VIŠA SILA

#### Član 9.

Sve naknadne troškove nastale nakon isporuke robe, a koje se odnose na zamjenu oštećenih roba kao i neodgovarajućeg kvaliteta koje je potrebno zamijeniti, osim šteta koje izazove Kupac, ili koji nastanu njihovim uticajem, snosit će Prodavac i sve takve eventualne isporuke bit će za Kupca besplatne i isporučene.

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u ugovoru i koji nisu mogli biti spriječeni od strane pogodene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Strana u ugovoru pogodena višom silom odmah će u pisanoj formi obavijestiti drugu stranu o nastanku nepredviđenih okolnosti odgovarajuće dokaze.  
Kupac je dužan dostaviti pismeno obavještenje o svakom propustu Prodavca.  
Kupac će utvrditi razuman rok za ispravak propusta Prodavca u smislu izvršene isporuke.

#### Član 10.

Prodavac nema pravo da zapošljava, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje 6 mjeseci po zaključenju ugovora, odnosno od početka realizacije ugovora.

#### Član 11.

Ugovorne strane su se sporazumjele da će sve eventualne nejasnoće nastale u toku realizacije ugovora rješavati sporazumno.

U slučaju nemogućnosti sporazumnog rješavanja eventualnih sporova konačno rješenje će donositi nadležni sud u Sarajevu.

#### Član 12.

Ovaj ugovor stupa na snagu danom potpisivanja obje ugovorne strane i traje do obostrane realizacije.

#### Član 13.

Ovaj ugovor sačinjen je u 4 (četiri) istovjetna primjeraka, od kojih po 2 (dva) primjerka zadržava svaka od ugovornih strana.

PRODAVAC  
"AUTOKOMERCIJA S" d.o.o. Zlatnja Luka

direktor, Aleksandar Ristić

Broj: 1324/23

Datum: 15.12.2023.

